

ԿԱՆԹԵՂ ԿՐԹԱՄՇԱԿՈՒԹԱՅԻՆ  
ԵՎ ՍՈՑԻԱԼ-ԲԱՐԵԳՈՐԾԱԿԱՆ  
ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆ

Հետազոտական աշխատանք  
Թեման՝ Գնահատման նոր համակարգը

ՀՀ Լոռու մարզի « Լեոնանցքի Մ. Վարդանյանի անվան միջն. դպրոց»-ի  
հայոց լեզվի և գրականության ուսուցիչ Անահիտ Գրիգորյան

## Բովանդակություն

1. Ներածություն

2. Գնահատման հոգեբանամանկավարժական դերն ու նշանակությունը

3. Ընթացիկ գնահատման երկու ձևերը.

Համեմատական վերլուծություն

4. Ուսուցանող գնահատման գաղափարաբանությունը

Կազմակերպման ձևերն ու տեսակները

5. Ուսուցանող գնահատմամբ դասերի օրինակներ

6. Ուսուցողական բառ- թելադրություն

7. Գրականության ցանկ

8. Եզրակացություն

## Ներածություն

Ըստ սովորողների ընթացիկ և ամփոփիչ գնահատման մեթոդաբանության՝ նախկին միակ՝ միավորային ձևին ավելացվել է նորը՝ ուսուցանողը: Թեև ըրկու ձևն էլ ուսուցման և յուրացման արդյունքների բացահայտման և ներկայացման միջոց են, ունեն կրթության որակի և արդյունավետության բարելավման ընդհանուր նպատակ, այնուհանդերձ յուրաքանչյուր ձև ենթադրում և պայմանավորում է նաև առանձնահատուկ նպատակներ և խնդիրներ, տարբեր գաղափարաբանություններ, գործման ձևեր և եղանակներ, բովանդակային այլևայլ տարբերություններ: Այսպես՝ միավորային գնահատման ժամանակ գնահատման նիշերի միջոցով չափվում և գնահատվում են սովորողի՝ չափորոշիչով և ծրագրով սահմանված գիտելիքները, մասամբ նաև կարողություններն ու հմտությունները: Կրթական ոլորտում գիտելիքի, իմացական մակարդակի արտահայտություն, Ցուցիչ լինելուց, միայն վերահսկող և ստուգող գործառույթ իրականացնելուց բացի՝ գնահատումը ձեռք է բերել նաև սովորողների հնարավորությունների բացահայտման առաջընթացի խթանման, ուսումնական մոտիվացիայի ձևավորման, սովորողի անձի ընդհանուր զարգացման վրա մեծապես ազդող գործառույթների դեր և նշանակություն: <<Կրթական գործընթացի ժամանակակից մոտեցումներում, որպես սկզբունք՝

Նվազեցվում է միավորային կամ նիշային գնահատման վրա սևեռվելը՝ հօգուտ ուսուցանող աշխատանքների, ու գիտելիքների կիրառությունների>>:


Ուսուցանողի դեպքում գնահատումը թվանշաներով չի արտահայտվում. սովորողի ուսումնական ձեռքբերումները համեմատվում են իր նախկին ձեռքբերումների հետ, քննվում, մեկնաբանվում և վերլուծվում են ուսումնառական գործընթացը, գործընթացի դժվարությունները, թերությունները, խոչընդոտները, նշվում և պարզվում են դրանց հաղթահարման, վերացման հնարավոր ձևեր և եղանակներ:

## ՈՒՍՈՒՑԱՆՈՂ ԳՆԱՀԱՏՈՒՄ

Ուսուցանող գնահատումը սովորողի կողմից ուսումնական նյութի յուրացման հետ կապված թերըմբռնումների, սխալների ու դժվարությունների բացահայտման և դրանց հաղթահարման, սովորողի մտածողության ու ճանաչողության ոլորտն ընդլայնելու համակարգված գործընթաց է, որի միջոցով հետադարձ կապի կիրառմամբ իրականացվում է ուսումնական գործընթացում տեղեկությունների հավաքման և արժևորման միջոցով կրթական չափորոշիչների, ուսումնական ծրագրերի ու դասավանդման մեթոդների բարելավումը:

**Յուրաքանչյուր սովորող կարող է և պետք է առաջ գնա:**

## ՈՒՍՈՒՑԱՆՈՂ ԳՆԱՀԱՏՄԱՆ ՄԵԿ ՇՐՋԱՓՈՒԼ



- Հետևում է նախնական և հայտորոշիչ գնահատմանը և շարունակվում է աշակերտի ուսումնառության ընթացքում:

- Տարբերվելով ուսումնառության արդյունքի մրցակցային գնահատումից՝ այն օգնում է ուղղորդելու աշակերտին դեպի դասընթացի ավարտին անցկացվելիք ամփոփիչ գնահատումը:

Ի՞նչ է ներառում ուսուցանող գնահատումը

- Ուսումնառության նպատակները սովորողների հետ կիսելը և ապահովելը: Նրանք գիտեն՝ ի՞նչ են սովորում և ի՞նչ նպատակներով:
- Ուսուցիչն ու սովորողը գնահատում են առաջընթացը տարբեր մեթոդների միջոցով, որոնք ներառում են սովորողի ինքնագնահատումը և հասակակիցների կարծիքը (գնահատումը):
- Ուսուցչին ու սովորողը միասին ստուգում են և կարծիք հայտնում գնահատման վերաբերյալ:
- Հետադարձ կապը սովորողի համար իրականացվում է այնպես, որ օգնի նրան զարգանալու և պլանավորելու իր հաջող քայլերը:

**Ուսուցանող գնահատումը շարունակական երկխոսություն է, որը պետք է կարողանա՝**

- ամբողջությամբ կենտրոնանալ անձի վրա՝ հաշվի առնելով նրա զգացմունքներն ու հմտությունները և հասկանալ այն խոչընդոտները, որոնց նա կարող է հանդիպել,
- խրախուսել սովորողներին ավելի մեծ պատասխանատվություն ստանձնել իրենց սովորելու համար,
- ապահովել, որ սովորողները տեղյակ լինեն, թե ի՞նչ են սովորում և ինչու՝:

**Ուսումնառության արդյունքները ստուգելը (նայելով ներկային և գալիքին)**

Սովորողի և ուսուցչի ֆորմալ կամ ոչ ֆորմալ հանդիպումներն անպայման անդրադառնում են անցյալին և ներկային, որոնց ընթացքում՝

- քննարկվում են նախորդող ժամանակահատվածում սովորողի ուսումնառությւն արդյունքները,
- արձանագրվում է առաջադիմությունը (մասնավորապես առաջադրված բովանդակության յուրացման ուղղությամբ սովորողի առաջընթացի

վերաբերյալ):

### **Այնուհետև ուսուցիչն ու աշակերտը՝**

- թարմացնում են ուսուցման թիրախները, մշակում նորերը,
- պլանավորում են սովորելու հնարավորությունները և առաջընթացի ուղիները:

Վերանայման հանդիպումները կարող են առանցքային դեր ունենալ ՈՒԳ-ի գործընթացում: Սակայն գործնականում ՈՒԳ գործընթացը իրականացվում է ցանկացած ժամանակ, երբ ուսուցիչը հանդիպում է աշակերտին, ներառյալ՝ աշխատանքը դասարանում:

### **Գնահատման հոգեբանամանկավարժական դերն ու նշանակությունը**

Մանկավարժ-հոգեբանները փորձել են էմպիրիկ ճանապարհով ուսումնասիրել Սովորողների ինքնագնահատականի և ուսումնական մոտիվացիայի ձևավորման մանկավարժական գնահատականի ազդեցությունը: Ուսումնասիրության արդյունքների տվյալներով նրանք եկել են այն եզրահանգման, որ միավորային գնահատման դեպքում բարձր նիշեր ստացողների ինքնագնահատականը բարձր է և առկա են սովորելու ներքին և արտաքին մոտիվներ, իսկ ցածր գնահատական ստացողների դեպքում առկա է սեփական հնարավորությունների թերագնահատման, անինքնավստահության, սեփական անձի նշանակալիության կորստի զգացողություն. ուսումնական մոտիվացիան ընդհանրապես բացակայում է: Ըստ հոգեբանամանկավարժական ընդհանուր մոտեցման՝ մանկավարժական գնահատականը պետք է լինի ուսումնական մոտիվացիա առաջացնող գործոն, որը մեծապես կարող է ազդել նաև երեխայի անձի ընդհանուր զարգացման վրա: Ստացվում է որ, մանկավարժական գնահատականի ընդունված և հիմնական կիրառում ունեցող նիշային (միավորային) գնահատականը սովորողի ինքնագնահատականի և և ուսումնական մոտիվացիայի ձևավորման տեսանկյունից ունի երկակի ազդեցություն. այն արդյունավետ ազդեցություն է ունենում միայն գերազանց, լավ և մասամբ քավարար գնահատական ստացողների

վրա , մինչդեռ անբավարար գնահատական ստացողների վրա ,մինչդեռ անբավարար գնահատական ստացողների դեպքում թողնում է բացասական

լուրջ հետևանքներ` պատճառ դառնալով սովորելու ցանկության բացակայության ,վախի, տագնապայնության, հուզական լարվածության առաջացման: Շարունակաբար անբավարար գնահատական ստացող սովորողը հայտնվում է

հուզական որոշակի լարվածության մեջ ,որն աստիճանաբար կարող է վերածվել ընկճախտի:

Հետազոտությունները պարզել են, որ գնահատականը դրական նշանակություն է ունենում այն դեպքում, երբ սովորողը ներքուստ համաձայնում է տրված

գնահատականին: Պարզվել է , որ լավ առաջադիմություն ունեցող աշակերտների շուրջ 46% -ի դեպքում ուժերի սեփական գնահատումը համընկնում է ուսուցչի նշանակած գնահատականին ,իսկ վատ առաջադիմության ունեցողների դեպքում համընկնումներն լինում են 11%:

Հետազոտությունների արդյունքով պարզվել է նաև ,որ ցածր գնահատականի դեպքում իջնում է երեխայի հավանականությունների մակարդակը :

Առաջանում է անպաշտպանվածության զգացողություն,սեփական անձի նկատմամբ հավատի կորուստ:Այն աշակերտները ,որոնց ուսուցիչը հաճախ է ցածր գնահատական նշանակում ,սկսում են խուսափել ուսուցչի հետ հարաբերվելուց, ձգտում են որքան հնարավոր է քիչ ուշադրություն գրավել. Արդյունքում որոշակի առումով օտարանում են ընդհանուր խմբից:

Մանկավարժական փորձը վկայում է , որ սովորողների զգալի մասը մտածում է ոչ թե սովորելու , այլ այն մասին ,թե ինչ գնահատական է ստանալու:

Ուստի ուսուցչի խնդիրը պետք է լինի ընդունել գնահատման ուղորդող դերը`հիմնվելով ոչ թե սովորողի անձային հատկանիշների ,այլ ուսումնական գործունեության վրա`գնահատումը ընդունելով իբրև սովորողի հետագա զարգացման ,սովորելու ներքին մոտիվացիա առաջացնող նախապայման:

Հոգեբան մանկավարժները համոզված են ,որ գնահատումը պետք է կատարվի երեխայի սոցիալ –հոգեբանական զարգացման տեսանկյունից`լինելով օբյեկտիվ և արդարացի:

Գնահատման առավել տարածված անարդար ,ոչ օբյեկտիվ, սխալ դրսևորումներ են՝

1. Մեծահոգությունը –Ուսուցչի հանիրավի բարձր գնահատական է նշանակում:

2.Սխալ կենտրոնական ուղղվածությունը –Ուսուցիչը խուսափում է շատ ցածր կամ շատ բարձր գնահատական նշանակելուց:

3.Գնահատումը կատարվում է ուսուցչի նախատրամադրվածությամբ.բարձր է գնահատվում այն աշակերտը ,ում նկատմամբ ուսուցիչը դրական վերաբերմունք ունի ,և հակառակը ` ցածր գնահատական ստանում է նա .ում նկատմամբ ուսուցիչը բարյացական չէ , ի սկզբանե ունի բացասական նախատրամադրվածություն:

4. Գնահատականների սխալը –ուսուցիչը դժվարանում է ցածր գնահատականից անմիջապես հետո բարձր գնահատական նշանակել կամ լավ սովորողի վատ պատասղանի դեպքում ցածր գնահատել:

Հոգեբանները պնդում են ,որ տարբեր տարիքային խմբերում գնահատումը տարբեր Նշանակություն և դրսևորում է ունենում:Այսպես օրինակ,կրտսեր դպրոցական տարիքում աշակերտի ինքնագնահատականը առավելաբար ձևավորվում է ուսուցչի գնահատման արդյունքում:Այս հասակում երեխայի ինքն իր նկատմամբ ունեցած վերաբերմունքը և ինքնահարգանքը կախված են ծնողի և ուսուցչի վերաբերմունքից: Կրտսեր դպրոցականի համար գնահատականը նաև սեփական առաջընթացը տեսնելու հնարավորություն է:

Դեռահասների միջավայրում գնահատականի նշանակությունը կարևորվում է սովորողների շրջանում բարձր դիրք ունենալու առումով:

Յուրաքանչյուր ցածր գնատականագրում է երեխայի ինքնագգացման վրա:Իր Կատարած գործողությունների արդյունքների հիման վրա երեխան պատկերացում է կազմում իր մասին .ցածր գնահատականի դեպքում երեխայի մեջ ձևավորվում է բացասական ,իսկ բարձրի դեպքում ` դրական պատկերացում :

Պարբերաբար ստացած ցածր գնահատականները ազդում են երեխայի ուսումնական



Մոտիվացիայի վրա. Արդյունքում կարող է նվազել սովորելու ցանկությունը:

Գնահատումից կախված ` առանձին երեխաների մեջ կարող է առաջանալ տազնապայնություն : Տազնապայնություն և վախ կարող են առաջանալ շրջապատողների սպասելիքները չարդարացնելու, ուսուցչի, ընկերների առջև պատշաճ ձևով չներկայանալու և այլ պատճառներով:

Սովորողի ` գնահատման հանդեպ ունեցած վերաբերմունքը կախված է նաև այլ գործոններից ,ինչպիսիք են, օրինակ ինքնագնահատումը, բնավորությունը, խառնվածքը և այլն:

<Ոգեբանական տեսանկյունից գնահատումը կարող է նաև բացասական բնույթ և դրսևորումներ ունենալ ` վնասելով երեխայի անձին ,քանի որ , ինչպես արդեն նշվեց ,կարող է որոշակիորեն ազդել երեխայի ինքնագնահատականի ,ուսումնական մոտիվացիայի ,հուզական ոլորտի ,տազնապայնության առաջացման վրա և այլն:

<Ետազոտությունների արդյունքում պարզվել է նաև ,որ ցածր գնահատականի դեպքում իջնում է երեխայի հավանականությունների մակարդակը: Գնահատականից է կախված նաև աշակերտի ` դասընկերների հետ ունեցած հարաբերությունների բնույթը: Գնահատականը ազդում է երեխայի հեղինակության վրա թե' դպրոցում թե' ընտանիքում: Այս ամենից հետևում է, որ գնահատելիս պետք է հաշվի առնվեն հնարավոր բացասական ազդեցություն ունեցող գործոնները և դրանց հետևանքները: Ուսուցիչը պետք է ընդունի գնահատման ոչ թե որոշիչ ,այլ ուղորդող դերը:

Գնահատման համակարգում խնդրահարույց իրադրություններից խուսափելու համար հոգեբաններն առաջարկում են կիրառել այսպես կոչված << իրատեսական գնահատման >> համակարգը ,երբ գնահատումը կատարվում է ոչ միայն ուսուցչի կողմից , այլ նաև աշակերտի ինքնագնահատման միջոցով, այսինքն `աշակերտը ևս կատարում է գնահատում `իր ներկա արդյունքները համեմատելով նախորդ արդյունքների հետ: Այս համակարգը անվանում են <<ինչպիսին են եղել >> և <<ինչպիսին են դարձել >> համակարգ:

Որոշ հեղինակներ ընդհանրապես դեմ են միավորային գնահատմանը :

Ամոնաշվիլին ,օրինակ ,նշում է որ գնահատումը ընդգծում է ուսուցչի իշխանությունը Աշակերտի նկատմամբ գերակայությունը:Ըստ նրա `գնահատման դեպքում աշակերտի մեջ կառաջանան ոչ թե վախի և անհանգստության զգացումներ ,այլ ուսուցիչ –աշակերտ համագործակցություն:

Վիգոտսկին ևս դեմ էր միավորային գնահատման համակարգին:Նա նշում էր ,որ Այս համակարգը չափազանց վտանգավոր կարող է լինել,քանի որ ժամանակի ընթացքում դրա արդյունքում երեխան սկսում է սովորել միայն գնահատականի համար:Աշակերտների շրջանում իրականացված հարցման արդյունքով պարզվել է որ նրանց զգալի մասը դեմ է միավորային հնահատման համակարգին ,քանի որ կարծում է ,որ կարևորը ոչ թե գնահատականն է, այլ գիտելիքը:

Եվ ի վերջո ,առանց միավորային գնահատման ուսուցման գործընթացն ավելի `արդյունավետ է դառնում:Պետք է հստակ հասկանալ ,որ գնահատումը ոչ միայն մանկավարժական ,այլ սոցիալ-հոգեբանական գործընթաց է:

Ընտանիքում ծնողների 'երեխայի հանդեպ ունեցած վերաբերմունքը հաճախ կախված է լինում դպրոցում ստացած գնահատականներից և շատ դեպքերում երեխայի համար սթրեսային վիճակների պատճառ է դառնում:

Լիպկինան աշակերտների շրջանում իրականացրած հարցման արդյունքում պարզել է ,որ հարցվածների շուրջ 98% -ը ցանկանում է ,որ իրենց ուսումնական գործունեությունը գնահատվի:Սա ունի իր հիմնավորումը .ցանկացած գործունեություն ծավալելիս մարդը ձգտում է արժանանալ որոշակի գնահատանքի: Բացի այս' կա կարծիք ,որ դրական գնահատականը դրդող ազդեցություն ունի և աշակերտի մեջ առաջացնում է ուսումնական ուժեղ մոտիվացիա,նույնը տեղի է ունենում նաև բացասական գնահատականի դեպքում ,սակայն միայն այն պարագայում,եթե գնահատականը օբյեկտիվ է ,և աշակերտը գիտակցում է դա: Մեկ հանգամանք ևս. գնահատականը մեծապես ազդում է երեխայի վարքի վրա,

Քանի որ անհնար է սովորեցնել առանց դաստիարակելու: Որպեսզի գնահատումը բացասական ազդեցություն չունենա, անհրաժեշտ է այնպիսի համակարգի կիրառում, որով հնարավոր լինի գնահատել երեխայի ստեղծագործական ունակությունները, որով հաշվի կառնվի երեխայի հոգեկան զարգացվածության մակարդակը:

### **Ընթացիկ գնահատման երկու ձևերը .**

#### **Համեմատական վերլուծություն**

Ընթացիկ գնահատման նոր համակարգի հիմնական նպատակը կրթության արդյունավետության և որակի բարձրացումն ուսուցման և ուսումնառական գործընթացի խթանումը: Սակայն ընդհանուր նպատակով հանդերձ՝ ընթացիկ գնահատման երկու ձևերը՝ միավորային և ուսուցանող, ունեն մասնավոր և էական առանձնահատուկ նպատակներ, մոտեցումներ, բովանդակային և մեթոդական տարբերություններ: Ընդ որում, տարբեր են գնահատման նպատակով առաջադրվող աշխատանքների, հանձնարարությունների բնույթը, տիպը, ծավալը, բովանդակային ուղղվածությունը: Այսպես օրինակ, բանավոր հարցման պարագայում ուսուցանող գնահատում կատարելու նպատակով սովորողին առավելաբար տրվում են բաց, իսկ միավորայինի դեպքում՝ առավելապես փակ տիպի հարցեր: Այսպես նաև՝ հայտորոշիչ թեստ տրվում է ուսուցանող գնահատում կատարելու համար, քանի որ գնահատման նպատակը ստուգելը չէ, այլ ճշտել՝ որոշելը, թե արդյոք աշակերտը ունի բավարար, անհրաժեշտ իմացություն և հմտություն հաջորդ նյութի յուրացման համար:

Ուսուցանող գնահատում կարող է կատարվել՝

ա/ ուսումնական նյութի ուսումնասիրությունից առաջ (հայտորոշում), երբ պարզվում է սովորողների՝ նյութի մասին ունեցած նախնական պատկերացումների չափը և որակը:

բ/ նյութի ուսումնասիրության ընթացքում (դիտարկում), երբ կատարվում է ուսումնական ձեռքբերումների, հաջողությունների, դժվարությունների և յուրացման խոչընդոտների վերլուծություն,

գ/ նյութի ուսումնասիրության ավարտին ,երբ կատարվում է նյութի յուրացման արդյունքի տարապատկերի բացահայտում:

Միավորային գնահատման պարագայում յորաքանչյուր սովորող և ամբողջ Ուսումնական խումբը (դասարան ) ուսուցչի կողմից միաժամանակ ստանում և կատարում են միևնույն տեսակի առաջադրանք ( թելադրություն ,բանավոր հարցում ,թեստ , հարցաշար և այլն),ուսուցանողի դեպքում առանձին աշակերտներ կամ դասարանի առանձին փոքր խմբեր կարող են ստանալ և կատարել տարաբնույթ և բազմազան առաջադրանքներ:

Միավորային գնահատումը չի երթադրում սովորողի ակտիվ մասնակցություն Գնահատման գործընթացին,այնինչ այդ հանգամանքը ուսուցանող գնահատման կարևոր ցուցիչներից է .սովորողները ուսուցչի օգնությամբ և հուշումներով նախօրոք սահմանում են գնահատման ճափանիշները ,գնահատման արդյունքը համեմատում իրենց նախնական գիտելիքների ,կարողությունների և հմտությունների հետ , կշռադատում կատարած աշխատանքը ,ինչն էլ փոխում է գնահատման նպատակը և բնույթը՝այն դարձնելով վերլուծական և հասկանալի:

Ուսուցանող գնահատումը ապահովում է գիտելիքի յուրացման ընթացքի և վերջնարդյունքի արժևորում ,իսկ միավորային միայն վերջնարդյունքի ստուգում և գնահատում ,որը սովորողին չի տրամադրում սովորելու ընթացքի բարելավման , առաջընթացի ապահովման առաջարկներ ,չի հուշում առաջացած խնդիրների և դժվարությունների հաղթահարման ուղիներ և լուծումներ:Ի վերջո ,ուսուցանող գնահատման պարագայում սովորողը ոչ թե այլոց ,այլ ինքն իր հետ է համեմատվում:

ՈՒՍՈՒՑԱՆՈՂ ԳՆԱՀԱՏՄԱՆ ԳԱՂԱՓԱՐԱԲԱՆՈՒԹՅՈՒՆԸ  
ԿԱԶՄԱԿԵՐՊՄԱՆ ՁԵՐՆ ՈՒ ՏԵՍԱԿՆԵՐԸ

Ընթացիկ գնահատման երկու ձևերից մեկի՝ ուսուցանողի դեպքում սովորողի համար հասկանալի է դառնում նաև սովորել գործընթացը: Իր իսկ կողմից կատարվող դիտումները, ուսուցչի և ընկերների վերլուծություններն ու մեկնաբանությունները սովորողին ոչ միայն պարզ ու հասկանալի են դարձնում ,թե ինչ է սովորելը ,այլև կազմակերպում են այն . հետադարձ կապի միջոցով սովորողը տեղեկանում է,թե ինչպես, մտային ինչ քայլերի և գործողությունների միջոցով է կատարվում ուսումնական նյութի յուրացումը: Ուսուցանող գնահատումը կարևոր դեր և նշանակություն ունի նաև հենվ իր՝ սովորողի համար, քանի որ յուրաքանչյուր սովորող նախ իր կատարած աշխատանքի գնահատման պահանջունք ունի, բացի այդ՝ գնահատման այս ձևը օգնում է ,որ ոչ միայն բացահայտվեն ,այլև ըմբռնելի ու հասկանալի դառնան մտային գործողությունները, ուսման նպատակները, հետևություններ արվեն յուրացման ընթացքի բարելավման համար: Ուսուցանող գնահատման դեպքում սովորողները փաստական և վերլուծական տեղեկություններ են ստանում իրենց ուսումնառական ձեռքբերումների ,կրթական հնարավորությունների մասին ,ուսուցչի և ընկերների խորհրդատվությամբ, ուղղորդմամբ արժևորում դրանք ,այսինքն՝ պարզում ,թե <<...ինչպիսի հաջողությամբ կամ ինչ չափով են հասնում իրենց ուսումնական նպատակներին>>:

Ուսուցանող գնահատման գործընթացի կարևոր տարրերից մեկը՝ արժևորումը, որն օգնում է սովորողին ձեռք բերել նաև այնպիսի որակներ ,որոնք կարող են դառնալ ինքնագնահատման ձևավորման նախադրյալ:

<<...Ուսուցանող գնահատումն ընդհանուր տերմին է ,որն օգտագործվում է գնահատման գործադրումը նկարագրելու համար:

Ուսուցանող գնահատման էությունը բոլոր ձևերով սովորելուն աջակցելն է>>:

## ՈՒՍՈՒՑԱՆՈՂ ԳՆԱՀԱՏՄԱՍԲ ԴԱՍԵՐԻ ՕՐԻՆԱԿՆԵՐ

### Դաս 1

Առարկան՝ հայոց լեզու

Դասարանը՝ 12-րդ

Դասի թեման՝ Հակոբ Մնձորու <<Հարսիկը >> պատմվածքը

(դատողական բնույթի ուսուցողական փոխադրություն)

Հատկացվող ժամաքանակը՝ 2 դասաժամ

Նպատակները

#### 1. Գիտելիք (իմանալ)՝

տեղեկություններ Հակոբ Մնձորու մասին

- <<Հարսիկը>> պատմվածքի գաղափարական և գեղարվեստական

#### Բովանդակությունը

- Դատողությունը՝ որպես մտային գործունեության դրսևորում

#### 2. Կարողություն (կարողանալ կատարել)՝

.ինքնուրույն հետազոտական ,անհատական և խմբային աշխատանք,

.ինքնագնահատում և փոխադարձ գնահատում,

.դատողություններ և ուսումնական նյութի փոխադրում

#### 3. Արժեքային համակարգ

.<<Հարսիկը>> պատմվածքի գաղափարագեղագիտական բարոյական ընկալումների մասի

դատողությունների իմաստավորում –գնահատում,

.դատողությունների քննարկման վերլուծությամբ՝ սեփական հոգեկերտվածքի

Ինքնաձանաչում և ինքնաբացահայտում,

- << Ապրումակցում >> բարոյահոգեբանական արժեքի գիտակցական ը նկալում և ըմբռնում

#### Խնդիրները՝

.ծնավորել աշխատանքային ենթախմբեր

.մշակել և պլանավորել ուսումնական գործողություններիկ պլանավորման ընթացակարգ

. սահմանել գնահատման չափանիշներ

.կատարել նյութի գրավոր փոխադրում

**Կիրառվող հիմնական մեթոդներն և հնարները`**

.նյութի հատվածական ընթերցում և հետազոտում

.բանավոր և գրավոր հաղորդումներ

.քննարկում

.<<Պրիզմա>>

**Գնահատման ձևը`** ուսուցանող

**Ուսումնական նյութը`** պաստառներ ,նշագրիչներ ,ուսումնական տետրեր:

**Տնային առաջադրանք`** նախապատրաստվել <<<արսիկ>> վերնագրով թեմատիկ

Փոխադրություն:

Դասի ընթացքը ներկայացվում է ուսուցչի և սովորողների գործողությունների

նկարագրությամբ` քայլաշարով:Ուղղորդումներով պարզաբանվում և հիմնավորվում են

կատարվող գործողությունների ուսումնական դերն ու նշանակությունը:

Հանրակրթական դպրոցում ուսուցման իրականացման հիմնական ձևի դասի բաղկացուցիչ

մասերից մեկը մուտքն է: Մուտքի ժամանակ կիրառելի մեթոդներ ,հնարներ ,ուսուցման ձևեր

կարող են լինել`

.մտահոգը

.պրիզման

.ուսուցչի հաղորդումը

.ուսուցչի համառոտ խոսքը ,բացատրությունը կամ ուղղորդումը

.անդրադարձը և այլն:

Իբրև մուտք ընտրված է ուսուցչի համառոտ խոսքը` հետևյալ բովանդակությամբ.

<<Մնծորին մեկն է սփյուռքահայ այն արձակագիրներից,ովքեր ապրեցին հայրենիքից հեռու,

բայց միշտ փայփայեցին էրգրի կարոտը>>:

**Ուղղորդում :** Ուսուցչի համառոտ խոսքին հաջորդում է բանավոր հաղորդումը դասի նպատակների և խնդիրների մասին:Մշակվում և պլանավորվում են ուսումնական գործողությունները , դրանց կատարման ուղղված քայլերը:

**Քայլ 1.** Ուսուցիչը հայտնում է փոխադրության վերնագիրը` <<Հարսիկը >>,և առաջարկում սովորողներին բարձրաձայնել իրենց ընկալումները:

**Քայլ 2.** Կարող են հնչել այնպիսի մոտավոր պատասխաններ`

.դժբախտ սիրո պատմություն է


.ժամանակից շուտ այրիացած կնոջ մասին է

**Քայլ 3.** Ուսուցիչն ամբողջացնում է հնչած պատասխաններ ավելացնելով ,որ հարսիկ բառով արևմտահայերենում անվանում են մեծ գերդաստանում միասին ապրող եղբայրների կանանց,որոնք գերդաստանի բոլոր երեխաներին վերաբերվում են նույն սիրով ,ջերմությամբ

և հոգատարությամբ,ինչպես սեփական երեխաներին:

**Ուղղորդում:** Փոխադրությունը դատողական բնույթի է, ուստի անհրաժեշտ է ,որ սովորողները դատողություններ անելու և դատողական բնույթի խոսք կառուցելու համար **դատողություն** հասկա ցության մասին ունեն ճիշտ պատկերացումներ և որոշակի գիտելիքներ:Խնդիրների լուծմանը կարող է օգնել <<Պրիզմա>>մտային վարժության –հնարը: <<Պրիզման>> կարող է ունենալ գծապատկերային այսպիսի արտահայտություն:





Գատողությունը հիմնավորված եզրակացությունն է:

**Ուղղորդում** : << Պրիզման >> մտային վարժություն է, ուսումնական հնար , մտածողության ընթացքը պատկերավոր ձև : Այն կիրառելի է դասի տարբեր փուլերում: Հիմնական նպատակը

ուսումնասիրվող գաղափարի կամ հասկացության մասին ենթագիտակցական ոլորտում եղած զուգորդական կապերի վերհանումը և վերահսկումն է: Ենթագիտակցական մտածողության վրա հիմնված այս ընտացքը շարունակվում է մինչև վերջ:

Պրիզման եզրափակվում է վերջնաբառով ( եզրակացություն) : Վարժության

Կատարման վերջնաքայլը մեկնաբանի, վերջնաբանի տրամաբանական կապի վրա կառուցված միտքն որն արտահայտվում է նախադասությամբ:

**Քայլ 6.** <<Պրիզմայի >> շրջանակներում գրված բառերի շուրջ ծավալվում է խմբային քննարկում, ինչը քննարկում ,ինչը խթանում է սովորողների հետաքրքրությունը , մեկնաբանվում և հասկացվում է դատողություն բառը:

Յուրաքանչյուր աշակերտ քննարկման արդյունքում աշխատանքային տեսքում ամբողջացնում է իր պատկերացումները և ցանկության դեպքում ներկայացնում:

**Ուղղորդում:** Խմբային քննարկումը ,այսպիսով, դառնում է ուսումնական բուն գործընթացի արդյունավետ սկիզբ:

Ուսուցիչը կարդում է տեքստը մի քանի փուլերով՝ նախապես հրահանգելով բնութագրական դատողություններ գրառել: Դասարանը ուսուցչի օգնությամբ **դատողություն** հասկացության տեսանկյունից դիտարկում է ներկայացվող դատողությունները ,գնահատական տալիս՝ հաշվի առնելով ձևակերպման գրագիտությունը,ինչպես նաև համապատասխանությունը բնագրին:

### **ՈՒՍՈՒՑՈՂԱԿԱՆ ԲԱՌ- ԹԵԼԱԴՐՈՒԹՅՈՒՆ**

**Ուղղորդում:** Ուսուցանող գնահատումը ոչ թե պարտադրում ,այլ օգնում է սովորելու ,նաև հասկանալու իմաստավորելու և ամրապնդելու սովորածը: Ներկայացվող բառ - թելադրության նպատակը բ-պ-փ բաղաձայների ուղղագրական

իմացությանբարելավումը,ամրապնդումը և ուղղագրական հմտությունների հղկումն է:

Խնդիրն է՝ ինքնուրույնաբար հետազոտել թելադրվող բառաշարքում առկա ուղղագրական օրինաչափությունները,դատողություններ անել ,ձևակերպել և ներկայացնել:

Թելադրության այս ձևը ուսուցողական ուղղվածությամբ ուղղագրական վարժանք է,որը մի կողմից ենթադրում է սովորողների ուղղագրական գիտելիքների ստուգում,մյուս կողմից զարգացնում է մի ամբողջ շարք բառերի գրության և արտասանության մեջ

կողմնորոշելու,շեղումներ նկատելու և բառերի ուղղագրական օրինաչափությունները

մտովի վերլուծելու կարողությունները:

Բառ –թելադրությունը վերաբերում է Բ-պ-փ –ի ուղղագրությանը :Ուսուցիչը նախապես կազմում է այդ ուղղագրությանը վերաբերող բառախումբ:

Գինարբուք, աղբակույտ, ամփոփել, ամպիովանի  
, թմբիկ, կափկափել, կապկպել, դարբին, Ծոփք,  
անխաբ ,կոպ և այլն:

Թելադրությունը գրում է ամբողջ դասարանը. երեք հոգի՝ գրատախտակի մոտ ,մյուսները տեղերում:Ուսուցիչը դանդաղ կարդում է բառերի շարքը: Գրատախտակին սյունակներում առանձնացված աշակերտները կատարում են գրառումները:

Առաջին աշակերտը գրում է Բ-ով ,երկրորդ աշակերտը՝ պ-ով, իսկ երրորդ աշակերտը՝ փ-ով

գրվող բառերը: Թելադրությունն ավարտելուց հետո գրատախտակի մոտ հրավիրված աշակերտները կատարում են փոխադարձ ստուգում:Դասարանը կատարում է ինքնաստուգում: Աշակերտների ստուգումներից հետո ուսուցիչը նախ ստուգում է գրատախտակի մոտ աշխատած աշակերտների գրածները ,հետո մյուսներինը:

Յուրաքանչյուր աշակերտի միաժամանակ գնահատելով երկու հնչյուն- տառի ուղղագրական գիտելիքների համար:Դասարանի ուղղագրական իմացության մակարդակը պարզելուց հետո ուսուցիչը գրատախտակի մոտ է կանչում չորրորդ աշակերտին և թելադրում

բառակապակցություններ:Այսպիսի աշխատանքը ունի կատարված սխալներն ուղղելու ճիշտ

Ուսուցչի ուսուցանող գնահատման հիմքը կամ ելակետը սովորողների թույլ տված սխալների քանակն է ,որը ,ինքնին պայմանական գնահատական լինելով ,այլևս անհատական

վերլուծության կարիք չունի:

Խմբավորելով բոլոր սխալները՝աշակերտն ուսուցչի օգնությամբ վերհիշում են Բ-պ-փ-ի ուղղագրության բոլոր դեպքերը ,բացառությունները,հիմնավորում դրանք բառակազմական վերլուծությամբ:

## ԳՐԱԿԱՆՈՒԹՅԱՆ ՑԱՆԿ

1. Ժամանակակից մանկավարժական մոտեցումներ .Երևան, 2003թ.:
2. Սարուխանյան Ս. Գիտելիք ,թե իմացություն ,Կրթություն,2001թ.:
3. Մ.Դավթյան ,Մ.Գրիգորյան և ուրիշներ ,Կրթակարգի մշակման և ինտեգրման մոտեցումներ ,Սեմինար պարապմունքների ուղեցույց ,Երևան 2005թ.:
4. Ուսուցանող գնահատում, Վանաձոր 2019թ. Սուսաննա Սարուխանյան,Ա.Իսկանդարյան,Նունե Դիշաղջյան
5. Համացանց և այլն:

## Եզրակացություն

Այսօր ուսուցիչներին համար ոչ միանշանակ և բարդ իրավիճակ է ստեղծվել: Մանկավարժական գիտության և իրականության մեջ լուրջ փոփոխություններ են տեղի ունենում: Այսօր իրավիճակը փոխվել է: Մեզ արդեն մատչելի են նոր տեխնոլոգիաները, տեղեկատվության բազմաթիվ աղբյուրները, սակայն տեղեկատվության այս բազմազանությունն էլ իր հերթին խնդիրներ է առաջ բերում: Նոր նպատակները փոփոխություններ են բերել նաև կրթության բովանդակության մեջ: Զարգացնելով նորը, առաջ քաշվեց նաև ուսուցման, ստուգման ու գնահատման նոր մեթոդների անհրաժեշտությունը: Ուսուցիչները ակտիվ մասնակցում են այս գործընթացին, անցկացվում են վերապատրաստումներ՝ մասնագիտական զարգացման համակարգի շրջանակներում, ներդրվում են նոր մեթոդներ ու տեղեկատվության հետ աշխատելու, նոր տեխնոլոգիաներից օգտվելու կարողություն: Պետք է ուսուցիչները անընդհատ զբաղվեն ինքնակրթությամբ, ինքնակատարելագործ-մամբ: Եվ այս ամենը կնպաստի ավելի որակյալ կրթության:

Այս ամենի հետ շատ կարևոր տեղ ունի գնահատումը: Կրթական գործընթացի ժամանակակից մոտեցումներում, որպես սկզբունք, նվազեցվում է միավորային կամ միշային գնահատման վրա կենտրոնանալը՝ իօգուտ ուսուցանող աշխատանքների, գործնական աշխատանքների ու գիտելիքների կիրառությունների: Հետադարձ կապով նշվում են վերլուծություններից ստացված կարևոր արդյունքները և արվում հետևություններ՝ կապված ուսուցման ձևերի ու մեթոդների պետական չափորոշիչների, ծրագրային նյութերի և թեմատիկ պլանների վերանայման անհրաժեշտության հետ:

Այս ամենով, մենք՝ ուսուցիչներս արժևորում, դատողություններ ենք անում աշակերտի արածի և ձեռք բերածի արժեքային համակարգի մասին: Մեկ ուսումնական տարի հետո կդրվի նոր գնահատման գործընթացը, որը իրենից ներկայացնում է ոչ միավորային գնահատում: Տարրական դպրոցում միավորային գնահատում չի իրականացվի, լինելու է բառային՝ բնութագրող:

Ես ինքս մասնակցել եմ «Քայլ առ քայլ», «Բազմաբնույթ մտածողության տեսության կիրառումը ուսուցման վաղ շրջանում», «Քննադատական մտածողության զարգացումը կարդալու և գրելու միջոցով» ծրագրերի և նաև մի շարք այլ վերապատրաստումների: Այս

ամենը ինձ օգնում է ճիշտ կազմակերպել իմ աշխատանքը, քայլել ժամանակի հետ, ճիշտ հասկանալ նորամուծությունները և կիրառել իմ կրթական գործընթացում հոգուտ աշակերտի:

**Հետազոտությունը ճշմարտության որոնումն է, և դրա շուրջ ծավալված գործունեությունը պետք է լինի ազատ:**

---